

## Aulapkaiyiini Naittuq

Una Kuvipkaiqtuqaqqat Qilamtuqtukhamik Ihumaliurut (Ihumaliurut) piliuqtauyuuq ukunannga Bonito Capital Kuapuriisingat (BCC), inmiikkut nanminiriyaayuuq havakvik Elgin Uyarakhiuqvinganit (Elgin) ukununnga Ulu Uyarakhiuqniq Havaakhauhiq (Havaakhauhiq) angiqatigiikhimaplugu Imaqmik Laisikhanga 2BM-ULU0914 (Laisikhaq). Tamna Havaakhauhiqvikhaa Kitikmeonmi ittuq Nunavunmi 12 km tununngani Hood River uumanngalu 150 km tununngani Lupin Uyarakhiurvinganit munariyauiqtuq ihuaqhaqtauhimayuqlu 2006mit.

Urhuqyuaqarvinga tutquumavinga Ulu Havaakhauhikhanganut piyuq pingahuuyunit avaliittunik urhuqyuaqarvik hapkuninnga pilik: (1) Nayuganga 3 Urhuqyuaqarvik (tatja atuqtaungittuq); (2) Ulu Uyarakhiuqvinga Urhuqyuaqarvik; unalu (3) Ubluumaami Urhuqyuaqarvik qanitqiyauyuq Pauwaqtuutimit. Tamaita angiyunik tutquumavingit urhuqyuanut Havaakhauhiqvikmi tuniyauyut mikiumik tutquumavinga ihuaqhaqhimayumik urhuqyuaqarvik ilaliutihimayuq kininnaittumik hilataallik kuvipkaitjutimikklu uhiyaqviqahunilu milvikmi. Urhuqyuantit tutqurhimayut uyarakhiuqvikmit hapkuninnga ilaliutihimayut: urhuqyuaq (P40 uuminngalu P50), Tingmitit Urhuqyuakhangit (A-mik B-mikluuniit), W30 kiniqtaq, Ralube, kaasiliqlu.

Aallatqiit pitjutikhat piyauniaqtut kuvipkailairiami ukunaniklu: atauhiqmi ukiumi ihivriuqlutik avatinganik, nunanganik, imangalu pitjutingit; ihivriuqlunilu anaqtautip kuviqpianik, imaqtautinga unalu pipkaitjutinganik; urhuqyuaqmut tutquumavinga hanaqininnganiklu.

Ilihimannaittumik kuvipkaiqaqqat ihuaqhaitjutikhangit naunaiqhimayut uumani Ihumaliurutimi maliktauniaqtuq hivulliqaami kuvipkainiqmut uqaqtauniq huliuyukhaniklu. Qilaminnuuq uqaqtauyut kuviniit uqaqtauyut Nunavunmut 24nik Ikaarninik Kuvipkaiqtuqaqqat Uqaqtakhaq Hivayaut. Kuvipkaiqtuqaqqat ikayuutikhat ittut uyarakhiuqvikmi ukunaniklu akhaluutiyyuat, ihuaqtuniklu aktikkulaanik kuvipkaiqtuqaqqat halummarutit, aatjikutaqaqniaqtuqlu uuminnga Ihumaliurutimik.

Naunaittiaqhimayut munariniq, halummaqniq iqqainiqlu pipkaitjutikhat kuvipkaiqtuqaqqat urhuqyuanik nunamut, apunmut, hikumut imaqmulluuniit naunaiqhimayut uumani Ihumaliurutimi, aallallu kuvipkainiq piyut urhuqyuaqhimayuq aput, ikualaarniq, qilamtuqtuqaqqat piyut uryuaqyuanik urhuqyuaqarvik, anaqtautillu kuvilimaiqqat.